

四庫全書

集部

欽定四庫全書

集部

淳熙稿卷二

詳校官庶吉士

臣吳烜

主事

臣呂雲棟覆勘

總校官編修

臣朱鈐

校對官中書

臣吳樹萱

謄錄監生

臣廉永倫

欽定四庫全書

淳熙稿卷一

宋 趙蕃 撰

四言詩

碧雲 并序

碧雲思親友也孫鄭暨徐期以入山既期而  
愆聊發我言

碧雲散舒合且復離皓月湧照圓而不虧嗟我所期曷

金匱要略卷一  
云不來

翳翳村巷遙遙犬聲蕭蕭庭樹啾啾鳥鳴所期不來實  
關我情

寒鐙既張幽室有光豈無他人惟子之良閉彼柴荆今  
夕斯長

三月十三日夜五更聞杜鵑時成父欲入浙因  
賦六章章四句以送之

不如歸去蒼山茂樹獨胡為乎空此號謬

歸去來兮斯言可師我今已歸胡能不知  
不如歸去春且云莫山中之樂豈同歧路  
歸去來兮言發動隨古之逸民舍陶而誰  
不如歸去載丁載寧勸子勿去子寧我聽  
不如歸去子寧肯住歸去來兮早歌式微

山行見月作

有風肅然落於樹巔使我沈疴不藥而痊  
意行何之陟此雲嶺如夢而覺如昏而醒

東坡老翁有言莫酬涼天佳月即為中秋  
恨我無酒負爾一醉酌茲寒泉兀爾忘睡

五言古詩

古意二首

齊王昔好竽有客工鼓瑟持之立王門三年不得入不  
知所好異卒致遭怒叱我今幸早計歸去無自逸

曾聞蜀道難難於上青天蜀道難何以差我劍門關未  
抵鄱陽湖無風浪掀船脫身其早歸無汙蛟鱓涎

擬古

松栢抱奇姿自應能歲寒  
籬菊蓋小草後雕良獨難  
誰云一時芳願將比春蘭  
蘭開桃李際菊傲風霜闌

呈尤運使袁延之五首

往者江次對不妄出薦口  
門無雜運賓麟角鼈肋九  
斯文獨許公是謂言可否  
幾年闕通謁今乃獲拜手

今時使者中所進非一律  
學術用其長公獨名副寔  
江左更江右非為循吏政  
以歲方艱當遣德星出

少年見公文大類韓退之集古一千卷復楷歐少師楷  
歐亦類韓萬頃定渺瀰於今到收歛寧易窺涖涯

翰墨有先達知已僅三數省齋憐其貧晦庵過其譽懷  
哉介庵老先我騎鯨去公如幸教之豈歎歲不與

青衿詩學為白髮步乃卻茫茫悟中入了了難邊覺抱  
病每向人誰有如神藥公乎有異聞蘄為啓玄鑰

常州先生以太守入對五首

皇皇畿甸符郁郁容臺禮固殊彼奏台有待今沃啓上



能格君心次可裨國體俗吏急簿書細務紛鹽米  
爭觀蘇翰林未識李北海獨能親話言異彼想風采傍  
徨計拍馬留滯牽蘭茝匹馬候南還輕舟即東匯  
一州固匪輕四海豈不重與其事扶疎孰若深培壅驥  
不取德稱馬多求駕泛偉哉底柱功障彼百川洶

青穗非舊物喬木豈故國家傳墨莊書人嗣文靖德欲  
知治興衰是繫道滋熄愚獨愧衣冠身宜親稼穡  
姑蘓訪虎丘西廡作清遊能談著書人老僧非黑頭義

興望荆溪景坡亦前脩不能乘桴者滄波沒白鷗

西廡有僧

猶及和靖解孟子諸事滿友

恭云景坡堂蔣宣卿所築

送趙叔自吏部知福州四首

當年治安策通達如賈誼汲黯不留內似非朝廷美得  
非蕭望之政事要詳試兩州已有聲刺史還連帥

人從閩中來盡道閩中樂舊穀既年豐今雨還時若公  
行亦何事重赴三山約我乃願從之微官還見縛

公雖去朝廷祕殿通班在不應獻納忠於爾分內外而

況我此州甘棠存蔽芾旱疫苦相仍要當蒙大賚  
憶昨過辭公云有湖外役遲遲未能去乃此困艱食湖  
外米雖賤旱歲賈者多賈多米必貴吾飢其奈何

呈陸嚴州五首

江山不因人何以相發揮人而非江山興亦無所歸是  
故新定郡得公倍光輝豈惟江山然鷗鳥亦依依  
簿領古白下檄書走臨川陳詩道所懷奈此巍巍然臨  
分得聞見語以故有連此意亦厚矣乖離今十年

會稽巖壑林新定山水藪一焉喚來居一焉煩出守人  
言公未遇我獨以為不得失彼此間於茲分薄厚

一代文翰主百年風月懷於今則所獨視古良與偕試  
評雲霧窓孰與山水齋况我方與嚴身沈名不埋

往游金陵都始攀石湖仙為我談公詩大雅後有焉謂  
我欠公詩勉哉成其天此語久不理今朝墮公前

聞克齋舅氏除江東提舉以此寄賀

春風桃李花開落幾許時諒彼松栢質動有千歲期舅

氏早負名不作窈窕姿冰霜飽摧剥未覺明堂遲小休  
朱兩轡四牡已載馳歛散有常度剝舉由我施過家得  
上冢偃薄寧久為又意漢廷上鼓舞須厥辭文章豈憎  
命窮人詎因時賤子盍自勉毋庸罪毛錐

寄賀周子充除左相留正除右相王謙仲除參  
政

淳熙十六年正月十九日雪餘雨更作有客方抱疾忽  
傳底處書昏暮叩蓬華問之何許人乃是吾家姪書中

道何為除目報甲乙要令二父知此意深所悉我方盤  
谷歸詎應聞黜陟雖云在田野又可忘輔弼況於鄉里  
賢與夫舊連率及其先友家投分亦頗密恭惟三君子  
德盛難具述要皆由從官以至秉政筆於今天下事孰  
得復孰失仰思與夜繼想不遑暇逸置郵速傳命頌口  
當四出而我病不能欲置還未畢要歌夔臯詩稱美寧  
敢溢願觀勲業成公論斯可以曾聞鳥鳴春氣應還唧  
唧喜甚履且折憂深緯寧恤

子暢尉曹秩滿侍親攝戶掾於上饒賦詩二首

以送之

遊君父子間情誼等骨肉那知三年度但謂一日足今  
晨復何事溪頭有行舫臨別慘莫言裴回謾瞻矚

平生幾游居有親亦有故一飯或相忘素書不能屢心  
知世情薄但益古人慕如君父子賢百益一二數

寄曾運使

知名必曾劉乃可暗中索無聞若我遭過眼誰復憶如

何十年後姓名猶見識當時所陳詩亦復能道說豈我能致然先生自為德維時歲云莫歸路千山隔見公不三四身已限南北迨茲去無由乃悔來卒迫況今落蠻夷公且天咫尺猶擬信州船看竹茶山宅

謝王使君

卧病衡茅下誰顧疾作門忽傳故人書犬吠雞爭喧書陳使君賢有好罔不悖念子藥物須萬錢致深恩我未謁使君此饋曷見存是風久寂寥當於古人論亟起欲



下拜展轉足但捫事殊送酒家孤負老瓦盆食粥已數  
月政類顏平原呼僮糴新粳洗甑汲井渾鄰蔬價不二  
取足充盤飧豈止飽妻孥自可留弟昆聊寬口腹累姑  
置襦袴溫惟我國流落寄跡無田園東南數十州遍走  
如乞墦今者屬有役病縛不得弄幾思出入勞復慮霜  
雪繁使君儻加惠茲又何足言屢將入城府跼蹐駒在  
轅因風道感謝情至筆載援

送劉得華赴漢陽教授二首

金安口歷代名臣卷一  
昔公去太學士曰奪我師令公去皇閣里閣極公思公何德於人曰公勇於義使其用於時其効何止是

漢陽在何許越在河之北聖朝富文物要使均萬國輟我學省彥以為遠方重化成亟歸來明堂待梁棟

席上奉呈教授歐陽文時併餞戴兄故其中及之

良由姿不敏所以須朋友朋友多得人不忍相瑕垢萬安初經過渝水重邂逅君今分教來我政官曹守何期

逃虛中乃值平生舊蠻山雖云荒蠻水亦頗秀功名漢  
將餘草木騷人後春園縱芳歇夏屋屬陰茂官池荷卷  
舒野寺泉波驟追隨方自茲留落復何有合者故慰心  
離者頻回首聊歌五字詩以侑一杯酒

送施教授

盛心蓋俗忘姦聲其道傷慘別伊何吟停杯慨以慷君  
官上饒郡分教明虞唐俄而及瓜代朝天架康莊巖廊  
冠劍地學省翰墨場失人易揣摩失已勞酌量情融香

梅葩玉水春茫茫鴻毛遇順風市朝在錢塘

送彭孚先赴辰州教授

因行碧湘門倏念黃草尾曩辭戴安道同者歐陽子那  
知三年過僅謂一日爾惟辰雖陋邦分教多名士前瞻  
固高明後至復奇偉天將惠其俗賢者不自鄙流傳幾  
人說邂逅一見喜談論未云終別袂已復起勿謂隔沅  
湘因來致蘭芷

送梁仁伯赴江陵丞三首

往者左司公會作荊州牧君時雖從行所志惟聖讀今  
馬去為吏與昔當異躅試以身所經參之耳曾熟

直道多不容枉道夫豈可直道誠忤人枉道還喪我如  
君直有餘為計亦多左而我枉未能若為逃轆軻

君寡澧之蘭我擷沅之茝邂逅桃花源一笑若相待那  
知青草湖追隨復連載南浦問何邊冰谿復安在

挽宋柳州綬

少陵在大厯涪翁在元祐相去幾百載合若出一手流

傳到徐洪繼起鳴江右遂令風雅作千載亡遺究猗歟  
宋柳州有志諸公後作詩匪雕琢氣質先忠厚銳鋒深  
自歛至寶不輕售行年且半百纔為嶠南守嶠南山水  
佳中州未曾有慨然遠游意不憚萬里走下車甫朞年  
已上政成奏無何天作孽一病藥莫掄跼壽回乃天天  
理果大謬諸郎有家法處已知孝友崎嶇窮川陸寓郡  
還公匱卜龜得安宅厥後斯雲覆自憐蹤迹脫敢叙親  
且舊作詩寫餘哀清淚空如霑

讀呂孟御所寄詩編明日四月一日也

舊雨連今雨空庭斷行跡有時出門看平湖四無壁忽  
傳何處書令我喜折屐新知呂夫子寄我詩滿冊是時  
羊牛下携之就簷隙首披山居賦奇字多莫識徐徐見  
關鍵坦若由戶出定師離騷經不入相如室秋懷似選  
詩法嚴仍事寔白沙龍陽作如杜紀行後卒至同谷吟  
三讀淚橫臆君何知之晚今古蓋一律兒曹苦問耶何  
事爾不憚徑卧忘解衣中夜猶太息曉窓啼鳩喧今日

復何日和以扶疎篇吾馭真可叱

五月下旬夢趙文鼎書寄斯遠

我不見君死直疑君固生賦詩無所寄始復為失聲雞  
窻已三號不但當既鳴恍云秋之中取酒相與傾坐有  
饋生魚歡言事煎烹飲我謂杯小何翅一再行落月落  
未落猶疑見鮮明已焉覺夢爾起坐神未平滄波渺萬  
里底處尋騎鯨悵望莫子語徘徊空思盈

重陽近矣風雨驟至誦邠老滿城風雨近重陽



之句輒為一章書呈教授沅陵

好詩不在多自足傳不朽池塘生春草餘句世無取詩  
家黃州潘蘓黃遠師友六義極淵源一貫相授受秋風  
有奇思筆瓢忘巷陋奈何催租人敗之不便就我謂此  
七字已敵三千首政使無敗者意盡終難又縱令葺成  
章未免加飭餽衣錦欲尚絅何嘗炫文繡一洗凡馬空  
浪說充天廐重陽晴則已雨必風在口今茲季月來陰  
雨變時候悵悵爵羅門寂寂鳥噪牖黃花冷未芳黃葉

掃復有頗將寫吾懷渠在那出手併想東籬人膽前忽  
焉後

重賦畏知寓齋

君昔少年日起家官帝城諸公盛稱許往往動得名夷  
途一步趨可到公與卿永懷松栢堅高謝桃李榮謚齋  
廼曰漸毫髮無妄行惟時尹夫子猶躬南山耕是公妙  
言語一字與不輕銘能為君述君志益以明蹉跎才幾  
何白髮殆數莖低回尚前街牢落方南征瀟湘清絕地

屈賈放逐情感今重惻古慨嘆識此生究竟漸之義顧  
未忘蘊萌彼哉少年事老矣夫何營微之易以寓俯夢  
仰輒驚何止宜為客身悟浮雲更南軒子張子好學如  
玄成奮然吐長句真覺萬戶輕尹張志則異與君盡同  
盟見君極空洞不比小器盈嗣宗絕臧否白眼常若瞠  
司馬萬事好是中差自宏看君接物際二士蓋熟評君  
令家山居扁榜猶在桁傍陳漆園書立參與倚衡因茲  
大有得居窮亦如亨嗟我道學晚頗困塵網撓性又多

忤物舉足逢溝阮誓將過君齋指南問初程但恐持寸  
蓬莫致洪鐘鳴

有懷子肅讀其詩卷因成數語

退之以文鳴餘事尤長詩名家賈孟流未必踰於斯淵  
明工五言亦有歸來辭迺知意到處百發無一虧孫侯  
絕人才詩文俱中規究其所源流蓋匪一日基有如審  
言門遂至杜拾遺餘波被芝蘭同功有損篲嗟予晚聞  
道未易等級推劇談每從容瞠若莫可追開窻念從公

兩脚如紮維探囊獲新句亦足慰所思

將謁介庵以詩先之

溪山故無盡隨取隨以足平生笑賀監勅賜鏡湖曲今  
代介庵老未歸先築屋一區占何地琵琶欣在目是洲  
出誰氏詩自隨州續當年名絕唱今也安可獨溪如益  
彎環山為增隱伏以知得所託水潤由韞玉一朝起乘  
傳屢疏乞祠祿俞音落天上裝行不待東還家謝溪山  
拄杖巾一幅開堂會賓友快語瀉鄙醜我時得得來奉

屢期追逐維摩適示病對客倦冠服悠然失前瞻重詣  
規再卜尺書往問訊勞公手親復愛我誨我至敬拜不  
敢瀆自憐生無資是役尤僕僕輶駒豈忘遠歸棹戒已  
宿但乞老先生一言壯空麓

書田中門示成父

每逢田中來必問田中事言者為感額聽者為酸鼻皆  
云水節然所以陂修廢田栽未曾了早勢已復至承天  
無可說有淀亦將既早禾以日論晚禾尚月許饑芋已

五六疫死又三四自茲儻無雨何以能卒歲時成道危  
苦示爾應歡歎

送逸歸上饒赴試

謂汝可勿去汝去意已堅念欲終不遣汝請倍諄然平  
時父母傍一事畧不與及令身自行凡百誰汝護况當  
苦炎熱道遠不可說晚須背斜陽曉要踏殘月墟落乃  
可爾陂湖深戒之藥物務頻進童馬勿過疲得失渠有  
命勉旃非日競汝解事文科吾其老三徑汝歸見吾友

見叔仍見舅為道據覈肥無奈相思瘦

寄在伯三首後一首併示逸

出門欲尋巖聞君已行舟川遠不可涉佇立空夷猶雨  
風既冥冥離思復幽幽人生苟無別安能成白頭

君行日已遠我思日益長何物可論此山高水茫茫人

生要有別男兒志四方奈此老多感況於朋友良

兒行欣得師爺往愁欠友去爺勿惘然得師知慰否有

時頻執紼無事莫多酒無謂數月程秋風在回首



寄主管舅二首

少公上黃扉長公思玉局恭惟我舅氏出處似前躅潯  
陽開三徑鏡湖賜一曲是為千載人何有萬鍾祿新詩  
久不誦妙墨時在目黃落又秋風林空見松竹

甥官楚西南舅休天尺五安否候何如歲月曠如許阿  
兄有書來報道安輿舉東閣故莫留西湖要為主寥寥  
和靖君遺跡墮榛莽咫尺到梅花追隨恨脩阻

寄衡州舅氏

西山有喬松蒙附百畝陰蓬萬宅其下旅生亦駸駸永  
懷豫章公斯文金玉音徐洪蓋出自源流高以深吾舅  
之於黃端若一體臨媿我望數子引尺那及尋弱冠誦  
流傳蒼蒼且垂簪前帆去已駛後舟政憂沉憶昨送弟  
行作詩道離襟末篇何所言志我念母心豈知辱况荅  
武夫致瑇琳退之贈郊籍少陵寄高岑我固解公意誨  
我力自任不惟書諸紳起居見前參幾思侍公側取酒  
親酌斟積荒賴鋤耨痼疾斬斫鍼涉湘定何時紙貴行

見今勿繼屈賈詞起和南風琴

寄劉叔驥

朝行巴陵帆暮泊漢陽鼓胡為我所思祇說在何許折  
麻念離居寨若懷遠渚望望莫致之江頭漫延佇

寄鄭舜舉

吾友歐陽生詩律雜郊島相逢每談君必謂詩太好送  
行許長句無復書小草鴻鴈儻不來何由慰懷抱

寄懷在伯三首

沅水與湘水合流俱洞庭如何君於我迺隔影與形  
滄江鷗鷺野深林蘭蕙鬱香含章斯發發遂性逐冥冥

我苦千里役兒荒三月書後苦殆委頓書荒塵壑鋤夜  
雨倒湖水春畊競田廬事貴在勇決爾胡但居諸

倏爾聽鳴鳩慨然悲衆芳春事且衰歇吾行可相羊問  
年踰不惑嚶嚶斯謂狂益矣多開友從之道阻長

十月八日聞鷄鳴即起案上偶有陶集繙閱數

詩有懷斯遠三首

衾寒數窺窻窻暗鷄已號比鄰通東西我起披緼袍始  
占霜檐粲忽聽風林鏐迺知中夜雨吾念亦良勞

寒釭燭餘膏破爐明宿火嬾復布衾眠遂作藜牀坐默  
坐亦何為姑取陶詩課我友安在哉良思與之和

聞君治書樓誦書仍課文古人不朽計政在三冬勤今  
時獨不然白屋期青雲君豈斯人歟大雅迥不羣

冬至後五夕頻夢陳擇之

所見日雜遝寧復當我思我此僻且陋三夜頻夢之遺

騎告欲行手持一通詩發絨與兒讀絕妙解人顧我欲  
留君飯顛倒裳與衣宛如快閣日不似南浦時到蜀今  
幾日首議何所為一儉勝百奢徐公亦安施幕府足閒  
暇浣花有餘嬉謫仙縱多才蜀道無險巇微病固除洗  
起居當具宜蜀中富名士匪卜亦隱醫秘方苟有傳寄  
我無或遺寄我亦何用多病成早衰歸哉復歸哉秣馬  
車載脂上君白玉堂王人亦黃扉

雨中憶花寄懷曾季永嚴從禮二首

餘寒苦淹留破衲無遽棄欣聞好雨來正念春耕未瀕  
南花退早何止桃李事牡丹及酴醾錦碎仍玉委流年  
定何之嘆息付流水想像田廬中桑柔麥如尾

白下古聚落種花成土風貧者籬疎薄富家欄檻重嚴  
曾蓋甥舅交友著我中牡丹大盤盂酴醾鬱蛟龍走觀  
仍折迭憶費詩酒供今年百里外此事不得同坐病風  
雨惡因之懷二公

湖州親舊二首

金安石詩集卷一  
憶昔倚少壯不畏離別苦及今更中年頗識謝公語連  
朝接殷勤故已辦茲去今晨竟不免況此風更雨夾溪  
誰家柳向我強作舞汝且不自持寧能留我住

舟行風打頭苦恨行不駛今晨得順風亦自非所喜溪  
山如許佳欲畫無絕藝要當稍收拾一一付詩裏近看  
忽成遠得此已失彼但令人此心惘惘不足耳

寄孫子進昆仲

霜風入枯葦客枕那能安起尋短燈檠捐書復慵看緬



思平生遊平陸多奔湍懷哉豈無人荆吳路漫漫大孫  
行秘書今古靡不觀天文號隱奧坐使十載殫溢而為  
文章卷舒見波瀾丞哉亦奇士老不卑小官詩成太白  
豪笑殺東野寒酒酣或有劍肯為無魚彈儀也節更苦  
凜若誰能干譬之於草木青松蔽春蘭不願太官賜自  
愛苜蓿盤相携住荆溪冥鴻渺雲端釀泉飲佳客採溪  
薦朝餐不負風月佳始知天地寬我欲往從之買舫斬  
釣竿富春訪嚴陵吳淞覓張翰人生鮮如意高趣況易

闌君毋輕此樂此樂非游般

寄李晦庵

昔我曾大父高交世無倫晚生不盡得所知三數人堂

堂贊皇公實能繼張陳

謂無盡了齋

諫垣磨薦墨許之以經

綸江陵竟連蹇翰墨留餘珍晦庵乃其季英氣蓋八垠

家世斯文事屬付真不泯我亦早聞義中年見天津委

曲問先世與成傾蓋親公故鼎富貴我乃困賤貧有詩

猥蒙誦顧乏佳句新往過龔州庵凍筆書吟呻公來辱

繼作春氣動壁塵去年濡頰家墨妙出傾圉乍疑何人  
書老大能精神熟視乃鄙作愧汗幾拭巾已焉忍語此  
知公蓋深仁憫我抱奇疾不救死且瀕稍加匕寸施庶  
使屈得伸寧知荅然姿攀拳殆終身一官胡為哉鴻毛  
等千鈞野馬窘受駕白鷗悲就馴五斗未及飽已遭窮  
鬼嗔劒津駭騰變牛衣泣酸辛非惟糟糠念要是無補  
緱朝餐罷舉按寒日空懸鵲舍公竟誰訴尺書走跋跋  
如聞著書餘抄經窮夕晨儻匪官閑散那得了此因楓

香出楚地茗碗寧加閩水屏供倦息枕流絕縑磷獻芹  
則小小用意誰諄諄秋風日夜急木落知松筠竚立不  
可見悠然漫溪濱

寄施進之

我遊共峰回一步成數憩仰攀松夭矯俯睨石巖窟路  
窮入平野飛鳥迎決皆廬舍半茅瓦阡陌相櫛比謂皆  
耕稼徒不復問名字那知君子居迺在青山際聽君談  
所宅悟我曾略至時猶未識面豈得漫通刺都城一解

后草木同臭味我旋反林棲君適寓古寺肯來樺子師  
歷歲殆逾二既均手足親又篤朋友義去年君還歸城  
闈直董騎楮生分草餘鱖鮓動食指今年我屬疾故舊  
多遐棄愧君不憚勞衝暑到溪次買肉烹伏雌筆薑仍  
著豉無資鹿脯求竟是猪肝累以我病若渴榴實富汁  
滓累累解包裹其大蓋絕市勸我養形神勉我進藥餌  
裒回晝難別展轉宵失眠分攜六十日顧我病祇爾雖  
云間何闊戀戀曾莫置惟君名家駒少日便千里賦

成驚老生謂敵相如誼姜侯號博學

凱德安

無忌稱酷似

我嘗叩疑闕應荅固不記江流濫觴來層臺累土起如  
君之於學何但一第已獨聞家素貧慈親下妻子躬耕  
不自給負米常遠致願君力勉旃事固有堂陞高賢昔  
未遇勤苦類如此我行下吳會破蠹且料理念將一過  
君薄酒期共醉又恐飯與芻未免為君費不然君即我  
會於章老氏素書久不往往亦難盡意詩以道鄙懷因  
焉論夙契

寄雷丈朝宗

憶我前年秋驅羸赴行在淒涼醴陵門公獨枉軒蓋客  
中遇還使素書僅一通計之曾未達公起使廣東而我  
困流徙日月無定止逮今得還山莽莽舟在水長沙公  
寓鄉來往維其常儻復後此使音問政渺茫如公所抱  
負外歛中甚富過歸定非晚入侍帝左右車行過懷玉  
寄聲列林谷容我復驅羸宵征戒童僕

寄范建康

平生聞石湖謂是千載人去年此何緣乃獲身造門公  
蓋廊廟貴我乃褫褐貧既以賓客見復叨尊俎陳談間  
必文字媿我非比論雖知媿公厚猥誦終慙新別來才  
一書無使無由頻河內聞發粟原思闕周鄰江東且云  
然湖外將何因再拜謝洪喬浮沉問水濱

頃見迂齋談游子明不容口且誦其詩恨未遂  
傾蓋之願前年一見既慰我心所恨俱忽遽不  
得款語近過迂齋聞寄書又復訪問死生顧屏



竄林壑逃死無日何以辱盛意如此輒成一詩

奉寄

平生施迂齋劇談高安郡山川固清遠得士且韻勝就  
中拔其尤游子蓋袖領長哦唱酬詩使我醉復醒前年  
客游抗冰雪滯歸舫相逢逆旅間一笑交已定近聞寄  
書來諄復問名姓如公真騏驎顧我乃下乘歲晚儻不  
遺庶幾望三徑

寄謝新安豐守胡達孝見遺近詩一軸便呈甘

叔異章夢與

向子識損益揚雄愛清靜我行蕭灘上二宅駕輒命而  
於酬唱中又得胡安豐詩作文選體字有眉山蹤掃門  
今已後傾蓋非敢望談間問先世蓋乃丈人行歸州片  
時程乃復來高軒從容僅數刻傾倒貽百篇平生嗜江  
山到處須著語及茲足漫搔久乃古自拄時惟桂林掾  
與彼新喻丞俱以行卷來暴富如不勝

代書寄吳仲權

長沙失會面龍陽將叩門君行黃鶴棲我乃桃花源裏  
回遂兩月間訊非一言時時得新作日日思高軒寧知  
竟相失有抱闕細論聞君方被薦清廟陳璵璫而我政  
落南空江擷蘭蓀雖云出處異得以書疏存言之有不  
盡筆芳還載援惟當道情愔故爾略寒暄

潘恭叔欲歸壽其母夫人謝子暢以事客其館  
辭病在告騎招周文顯為別僕不得與也作詩

寄三兄

伏暑推不去秋風來何暮深居謝巾幘適意親杖屨緬  
懷江湖遊悵望南北路舊交已如隔新知孰成故龐公  
非浪出東野方廢務共饒獻觴人我病不得與

簡寄潘恭叔

物生懼焦枯吾身困蒸煮起占天外雲坐隔空中雨故  
人住吳越一別幾寒暑今焉在咫尺何事復間阻緬思  
冰雪容重想金玉語可但發其蒙端能病斯愈

寄懷章衢州辛越州

江東去江西道阻而且長懷我金石交每瞻鴻鴈行信  
州去衢州道阻而匪脩黃花遂九日明月負中秋江東  
去淞東江表邈剡中莫云巖壑異固有丘壑同一出與  
一處或嘿而或語行步溢如棘欲飛恨無羽風高已木  
落薄寒能中人室邇人甚遠不孤必有鄰

發隆興後寄宋茂叔趙然道昆仲併屬達後篇  
於待制侍郎二首

連朝南浦亭繫此一葉舟未去已欲動既行奚復留篙

撐尚依岸風至忽打頭中宵渺無際清曉浩莫收行止  
固有定淹連寧與謀我友邈難見西山澹凝秋

晁君父之舅徐子我之友晁詩紫微來徐學新安後徐  
固困簞瓢晁復厭奔走當今諸侯賢孰愈豫章右經行  
見雖屢歎語不能又煩君因几席為我探懷袖

寄徐斯遠并成父弟

浙瀝夜來雨蕭條林下秋因之憶我弟重以思吾儔農  
工方鼎來蠶事已告休得無陰寒妨知復多寡收微官

本為貧中道成倦游洪波政稽天險路新摧輶吾儔與  
我弟既喜應見憂憂我困一簞喜我歸故丘付與有定  
分短長寧自謀相期黃髮保共勉素風脩

得友人俞玉汝書云客遊建業月嘗能致錢十  
萬時方客溧陽感假尉事作詩寄玉汝

士有孟東野薦乃韓退之五十纔一尉俸錢仍半支嗟  
予亦蹇者白髮方糟醕因聲謝吾友十萬亦多為

寄荅潘文叔并屬恭叔五首

人生無友朋何以攻短闕我交君弟兄意合非固結奈  
何不須臾已復經歲月葉落政知秋竹新還縹緲

君家舍人公世謂王楊作誰知所傳授白首終林壑至

今有源流涇渭分清濁豈比世上兒風姿矜濯濯

王楊  
謂黃

州文  
公

主簿舍從說御史身耻呈夫豈為異與義理可不明嗟  
哉後來者窺踰多畏貞所以使古人炯炯長擅名

平生蔣訓德家老揚雲宅未老夏敷陰泉疏春動脉索



居每懷弟斗食身久客况乃蒲柳姿茂悅非松柏  
斯文呂與張用世故落落年來踵蒿原天意亦已虐君  
常登其門如戶發管籥何當傳相授此道得深酌

贈曾樂道

我居懷玉山茶山非一游每觀文清竹凜若人好修往  
來道嘉禾詩曾長公投十年再建業問勞加綢繆中歌  
殄瘁詩尺疏去莫由雖微荊州論感歎自不休今日復  
何日蘭溪繫歸舟典型君尚有一見寫余憂

贈路節德章

憶昔介菴老視我猶子弟於今於越州必灑西州涕重  
憶卽中公契與外氏通慨我未知學一見寧發蒙公於  
介菴老筆硯相親友而於卽中公學問躬授受與我非  
素交有兒仍甚愚辱公收教之舉俗有是夫辱書示深  
眷未報無加譴平日但聞風今朝真識面

贈孫從之

吏事要及民何假須緣飾是故西都儒往往名背實淳

鄉孫明府抱負惟儒術起家長此邦為政皆有述催科  
非我急急民使滋殖今夏戒艱食粒米勸蓄積種麥貴  
宿耕禾孫視前績是我賢弟昆三市俱鼎立正之官南  
昌大吏遭絲刻為陳先世事稍稍從吾律竊嘗歎斯人  
當補諫爭缺如何即九原我為長太息叔也今王官路  
以雲霄逼才難未易識屢薦今始入贛川與洪州目見  
非耳得使之佐廟謨彌縫寧闕職公行被裏言步武俱  
文石為移一縣政於以均萬國我雖落蠻夷歸來豈無

金分四庫全書  
日儻遂樂耕耘於焉吾事畢

贈耆英

用世故欲巧拙者終近德人皆笑髯曾我獨長太息貧  
吾豈人為問天天不癡君看松栢受寧與春風期

贈尤檢正四首

多書如鄴侯讀書如張巡一代信不數吾身見能親門  
墻雖云舊蹤跡乃若新政以沅湘遠無由書疏頻

往焉石灰橋桀桀方秘書近者南浦亭皇皇乃輶車過

歸今幾年人望益以儲俱期白獸省共侯玉堂廬  
榜舟浙江潮僦屋長安雪寒濤幸少年積凍還復結雖  
逃蛟鰐虞未免薪芻絕噂噉悵難登囁嚅羞妄悅  
季秋過廬陵客有示新錄尤楊兩詩翁間以嚴州陸澧  
蘭與沅芷頓覺無芬馥何況破囊中欲探還自忸

呈嚴黎二師并寄韓季蕭

名者世公器丈也寧取虛我聞曾嚴黎蓋自入學初每  
繡東萊集出門思稅車一見良不易寒暑三十餘前年

太和官遣書叩曾廬得報副以詩妙處真起予更有嚴  
黎在因曾度幾輟驟聞鄂渚歿經年為歛歛嚴黎固老  
矣我亦雪滿梳奈何苦偏反決焉不躊躇嚴師雖龍鍾  
眸子炯炯如縱云曾忘集解記韓呂徐黎君更強健白  
髮盡掃除豈非仙人家服食信有諸我詩燕石爾報以  
瓊與琚便當與曾作編聯世行於季蕭陵陽孫與嚴並  
門居棄捐舉子業盡讀先世書時從二老遊不曳王門  
裾我言無可采殷勤乃來渠二老已知名保此良不疎

惟我與爾者勉哉涼入墟

次韻斯遠見寄

天地如許寬出門自無之筠窓書味長靠壁筇一枝吾  
曹本通脫孰謂書有色但取翰墨娛且然相主客霜簷  
曉矍矍落葉擁不開門開有行迹元是題詩來

次韻馬莊父問行期之什

日日言歸去年年事遠遊世態甘若醴我曾和不流殷  
勤枉詩問准擬繫帆留

次韻斯遠二十七日道中見懷二首

去冬黃公亭咏詩看梅花深行或山嶮縱步亦水涯雖  
知追隨樂固有間濶嗟詞鋒君莫當銳甚如莫邪我欲  
尾其後志局道苦遐千年定藏山一世斯名家

我姿甚不敏與俗仍倍殊難貪太常酒願歸陶令廬山  
中亦何有寂寞誰與娛晤言濶無友展卷聊得書人生  
七十稀我今半已餘百里九十成躊躇重躊躇

次韻審知遣興



沉綿既逾時生死誰或訪殷勤惠之書疇昔固有望載  
觀近賦詩頗復獻窮狀功名岐則多究竟策非上賈誼  
卒避濯晁錯終死盜孰愈安一區隨事享三當嗟我信  
畸人逐食無定向轉蓬真飄風斷綆遭逆浪悠悠任通  
塞冉冉失少壯志願老棲遲耕寬築夷曠

淳熙稿卷一

欽定四庫全書

淳熙稿卷二

宋 趙蕃 撰

五言古詩

與蘓運使詡四首

筠陽有賢牧，典選得望郎。漢廷急獻納，使節乃輝光。翰墨一門盛，人才當代良。平生願識面，今日獲升堂。

培塿無大木，溝瀆無巨魚。窈然澗壑深，渺若江海渚。澗

壑雖云深蕭艾寧廢諸江海雖云廣蛭螾亦與居  
昔在元祐初重選館閣才時我高王父實與數子偕黃  
門任言事薦口曾為開有孫不能振白髮自興哀  
草木日搖落道路方阻長豐年米故賤逆旅錢自荒  
曠宿村舍烟朝行板橋霜豈不願息肩於此增徬徨

閨怨二首

維南有佳人實秉絕代色幼聞姜婦道不肯傾人國  
幽居今過時行媒迥無迹世方求冶容孰能知婦德

東隣有賢女膏沐不如御朝惟躬奉養莫且趣機杼曰  
賢嫁何晚政坐一貧故誰能幣聘之此女非傲婦

檢校竹隱竹數三首

憶昔山中居朝莫惟脫粟何以居之安賴此猗猗綠一  
朝顧舍去夢寐勞心目今晨忽在眼如客得歸宿

竹雖不解語風能為之言斧斤伐我本畜牧踐我孫牋  
者可以隄踐者可以藩我顧不忘汝汝言毋重煩

錢多論以屋畜多論以谷我獨何為者箇箇數脩竹竹

箇雖不多是亦我所欲於以盜之防盜防寧此足

移送與斯遠同賦

垂垂白髮侵落落青松愛協趣在山林移根出蓬艾逝  
矣我何悲蒼然渠可耐

舂米方歸瑞峯寺僧送菜適至遂成晚饋

香杭出村春晚松來野寺八珍不吾易一飽有餘味鳴  
鐘與列鼎飯蔬仍飲水此道本平觀在人安擇爾

栽田行

早田栽已成晚田耕未遍風吹苗已長汝事不可緩  
來雨況足高下通溉灌雖云手足瘡孰愈溝壑患自茲  
日不百早稻期入甕晚禾雖云晚霜肅但秋半我昔山  
中居升沒每闕歎及今食官倉謂得度昏旦那知不足  
飽過午或空枵尚言工吟哦猶說鄙計算那知汝田翁  
栽種日月斷但懼政或疵因之懼水旱

成父送梅一株

無竹恐人俗無梅憂竹孤阿連解我意為致三尺株

之西窓前青白相與扶梅瘦竹亦瘠豈唯人獨癯終年  
厄貧病藉爾得暫愉索酒莫計殘瓶罄當續沽

得蕙數本有懷斯遠二首

幽蘭一收馨餘卉無足晚今晨採樵子貽我以數蕙風  
氣固王謝兄弟猶魯衛雨合打窓深於余真得計

酒熟無共酌詩成欠同哦況此春旦莫忽來蕙成窠樵  
蕪尚知貴採掘能異科安得同心人與之酣且歌

賦滕彥真家玉桂



伏暑不可耐所思惟執冰常時月桂紅乃作素色凝維  
南實炎方草木氣所憑素馨與末利玉色俱相仍得非  
因月感光射尚能秉

掃桂

年年賦木犀獨未到此樹信知官舍居更甚此身寓黃  
葉滿堦除蔓草委霜露相逢每變色此樹獨如故殷勤  
為掃除不必但花務風月四時佳吾其枉幽步

對菊有作

草木均是體顧有幸不幸故侯住瓜田四皓卧芝嶺譬  
如佳山川何地之幽屏居然說終火籍甚談箕頴得非  
以人重後世聞之警維菊本甚微在昔曾莫省羅生蓬蒿  
間自分託地冷一趨騷人國再墮淵明境遂同隱居者身  
晦名獨耿何當園五畝不覬田二頃秋風及春雨採擷花  
與頴既充天隨飢亦望南陽永有志未能攄對花徒引領

周江州有靈壁石趙蘄州名以玉芝周索詩為

賦一首

論石如論玉貴德不貴名形似偶爾同未妨聊置評  
嗚呼禹甸破土貢久莫并問公安取此萬里隨南征向  
來四方遊來書與俱攄愧彼錢馬癖寄我山林盟風流  
蘄州守夙有能詩聲見之謚以芝用意真不輕謂公許  
罷貲一再臨專城宜為齋房秀作瑞于聖明未應如商  
山寂寞身中清須公力勉旃石亦當與榮念我匪能賦  
徵索見公情又惟此必詩落筆空汗生傳聞南池上有  
石來自英我雖未識面想像猶弟兄

李文提點有英石  
名千巖萬壑石

詠隔塹梅

叢篁亂臨溪叢樹深隔塹愛之不能即玩之寧有厭  
字遣誰哦一杯頻爾念幸勿折新開留將遂幽占

題廳後梅樹

移梅初有詩梅開重成賦豈問耳目謀蓋珍貞白故花  
宜倚竹妍陰稱巡簷步或嫌太幽悶結實每慙御我非  
調鼎手何暇為此慮但取冰玉姿不遭桃李污

明叔送一丈黃菊

菊開本叢叢此種乃樹樹嘗聞一丈黃直謂莊周寓及  
茲鋤移來信可繩尺度乃知太華蓮十丈語非誤陳君  
怯風景酒盡不能酤遺我遣我愁仍須墮言句更念貧  
無惟何以致調護

### 除草

入門空榛蕪半死猶未槁清霜且零落縱蔓那得保奈  
何刺吾眼快意思一掃童來乃鉞鍾兀兀日又了蘭枯  
艾長壯亂多治則少君子小人歟幽憂挂懷抱

賣花行

頽肩負薪行所直不滿百大舸載之來江頭自山積不  
如花作相先後價增損身逸得錢多人寧知務本

投宿廣平道上逢梅懷斯遠

驅羸度斜影恨不與子俱梅花忽照眼炯若冰玉耀  
投佛寺宿憶子曾寄躅摩挲壁間詩雖昏尚能讀

出北門記所見二首

浮雲冒山頂橫碧門與直所嗟藍輿駛令我頭屢側前

瞻亦何有浮圖梯七級彷彿記遺基當年居皖伯

我行舒州來觸目歎荒棘今經北門道麻麥殊翳密乃  
知人力愆地固有遺殖安得遍厥耕疲羸當少息

將行示遠父秉文四八弟

遠父王彥  
傳所改字

鷄啼午方停蟬噪暑未秋寓居雖市近適意如林投可  
人誰能來王徐真勝流王居近官道樹林間田疇徐居  
復何如老木蔭濁溝我往必竟日不為有魚留我有長  
安行食謀非道謀王郎上冢去決焉問吳舟令弟飢所

驅迤邐從此由徐郎獨不出于世罕所求念當為此別  
要歷山寺幽令弟既泣汝我亦病未瘳是事且若此其  
他當罷休中秋與重九預作離濶憂惟其梅花時醉之  
此山頭

別齊之

新月淨林木微風動菰蒲客子不能寐拊身念艱虞忽  
思騎鯨翁已去不可呼樂哉今夕境忍令墮空虛南都  
李文學豪氣老不除將為章江行值我彭蠡湖一見如



平江尋吳恭叔不獲

皋橋在何許往者郊送翱

孟東野送李習之詩云贈君雙履足一為上皋橋

我

行姑蘇城半日空週遭惟君昔我契義不減同袍珠林  
一杯酒明朝隔江濤年來尺書絕目斷飛鴻高我今換一  
官五溪當不毛君行官王都雜還從英髮城中十萬戶  
歷問無乃勞茲焉失一見使我心忉忉

冲谷道章少隱還自上饒不見過而遂歸懷玉  
作詩十二韻奉寄併煩送似寓齋也

幽居非不佳竹屋靜以深春歸邈亡蹤草木成嘉陰天  
氣殊未快令人頭岑岑忽思從公譚微風動衣襟白雲  
何許在引領勞我心平生誦佳句三歎有遺音端如猛  
虎嘯百獸藏中林交游一周子自昔已至今論道若有  
合根源要追尋文章固定價美玉同精金窮通我均樂  
茲事要力任通脫不累物賢哉阮瞻琴

僕以軸紙從師  
乞詩未諾故云

送公擇入浙

日者君過我今焉我辭君楚荆易得秋霜霰行在辰

我車甫來歸君騎已在門喜我更安健勞言再三陳已  
爲忽謂我我行不遠巡問君何因爾欲語聲輒吞我自  
解君意操袂增酸辛男兒志四方懷安實敗名不見折  
脅睢慷慨西入秦君行其有合宿憤當一伸造物固甚  
巧頗解戲弄人願君稍安之無爲自傷神諸孫君好交  
送君必以文可慰別後覽何憂去裝貧

送昭禮還金陵四首

上饒去金陵道里何其邈俱爲江東郡各在天一角君

行寧知遠我住若有縛何以見相思書來不嫌數

君詩便風船千里纔一瞬我如久胥井湮沒不可浚愧  
君力推挽今我去鄙吝加我以數年庶幾乎少進

松巒特立士君也為之子異同誚歆向父子自知已向  
來知名人得此多失彼願君攷其然九十半百里

誦君贈遺詩吃吃口不倦相從曾未款取別寧我願竟  
乖卜鄰約遂作搏沙散君如不我忘我復何所恨

茂德行亟不及作昭禮書姑此問訊

憶昔相從初二十有三年別日更莫紀少壯成華顛中  
間何不有匪但歲月遷幾尋長安居莫訪新市船尺書  
且難寄再面端何緣今晨大阮來倒屣不待前問君比  
安否談君語蟬連短髮尚短褐青箱保青氈吾人相從  
初情與兄弟肩蘭陵折梅贈虞山聽鷄眠如何一分首  
遂作胡越然詩以道所懷寧寫宣城箋

蕃與斯遠季奕同生於十二月蕃初五日季奕  
初十日斯遠十八日近辱季奕貺詩猶未獲報

茲及斯遠之壽併此奉頌二首

徐子崖根竹風雪不掩綠鄭子谷中蘭水霜已騰馥二  
子有此風宜爾生窮冬我獨何為者飄然直轉蓬

鄭子才不踈徐子文甚勇一旦召嚴徐一旦策晁董去  
年蕭寺中杯酒兼旬同間濶見難合况乎分悴豐

次韻和答斯遠見過書所見

來歸僅兼旬來過已云屢共耽林剌深同賞溪亭露濁  
清一再行俊逸今古句或哦山更幽或詠舟橫渡竟日

為之留曛黑始能去昔人物外游隱遯亦數路於今區  
中緣向背豈同趣我非韓伯林君殆黃叔度莫嗟聲氣  
卑但恐歲月遽解嘲乃文嬉賓戲蓋言諭陶寫固不惡  
沈溺斯可懼人雖或我寬我則難自恕望望獨行憂瘡  
瘡良友助

明叔每見過不久輒去仲威尤難招致索居書  
事呈二君

可人費招呼柰此陳與胡問事失昏忘論詩辨精粗清

風不可絆白日易成晡欲睡難安枕繡書得踞爐聒人  
紛宿鳥對面走飢鶻啁哳聊容汝睢盱反闔吾寧無捕  
黃口亦有聘狸奴

仲威復枉粥字韻詩見屬甚厚不可不荅

盛時無窮民漢詔優廩粥邇來詔書行亦賚帛與肉薦  
才職諸侯因異駕徵卜共思急賢治惟日有不足士生  
幸斯時詎應隱巖谷盍出致吾君堯舜其爾俗餘孽何  
足云况說故地復堂堂胡澹庵夫子乃其族看君妙人



物門戶真不辱必須長養成明顯待拭目而我本散材  
謬賦支離粟宜從力田科邂逅賦取菽敢如陶淵明歸  
歟托松菊亦有父時書續將教人讀

子肅以古風見還詩軸頗述歸田之樂次韻荅之  
春風忽滿目感嘆離羣居郊行竟何之野蔓徒侵裾仰  
看嶺頭雲片段隨卷舒悠然若有得似我心地初乃愧  
學道晚何時悟真如自茲稍鞭策齒髮及未疎有兒章成

丁可以親犁鉏要同商州民窮功治山畬

事見王  
黃州集王租

及時了優游伴樵漁時乘少游馬或卧淵明輿所過輒就醉其他焉取餘此計儻遂心誰能更淫書公詩胡為哉指南實前車事貴在勇決駸駸歲將除

夜讀子肅詩再用前韻

棲鴉既投林蕭然野人居獨立茅簷下依依月生裾涉春抱煩疴茲夕稍自舒誦公寄來詩何啻超黃初正聲久欲絕作者徒紛如得公振頽波如漢有二疏擬欲攝其跡荒棘廢懇鉏譬由治田人必待三年畬敢矜一日

功草草同獵魚窮通固定分往者悲接輿百年等夢間  
壽夭誰贏餘如何彼虞翻惋歎輒著書人生貴適意安  
步可當車茲道儻與聞他焉從破除

向監稅以前韻見貽復用韻荅之

鄒陽困游梁自喻託枯朽功名彼何能慷慨終無取寧  
知古君臣義蓋存師友高謝亦有人班班推廣受先師  
有遺言何有居夷陋歎息柳儀曹枉尺贊五就詩書自  
青衿事業見白首基本苟不定歲月寧能又煌煌瀟湘

姿肯雜檀梨餌而彼倚市門詎復工刺繡騏驎伏鹽車  
驚駘空滿廐置是勿易談舊矣憎多口君詩定自佳官  
乃等尉候詩成不自足乃復過我牖同官有歐沈一時真  
頗有要加萬鎰彫必待無價手君其往從之我亦矐其後

答審知見貽

昔我墮極南去茲千萬山見面夫豈易附書良亦難官  
今聽之歸連日乃獲語洗蘓塵埃懷如久旱得雨君才  
日蒼蒼略已千丈長計其所功用可中棟與梁如我蓬

艾等怒長不尺寸秋風一摧折僅可供束蘊宜君有聲  
名光彩益以新而我復何事強謂詩窮人春秋了集義  
詩箋復編類建有朱校書嫠有呂正字二公今儒先名  
滿天地間勿謂東家丘晞顏人亦顏

晦日用陶靖節蜡日韻

正月忽已晦惠風亦全和更留十日晴桃李當有花病  
夫不知春但覺所感多東軒對深樾日暮鳥猶歌

晚立偶作

晨雨濕木蘭夕風吹紫荆江南異中州春晚猶秋清壯  
年不可恃老態忽已生柴門立久倦濁醪歸徐傾

晨起見牧牛者

前者蓑而眠後者笠而坐陂長不待鞭草軟無用莖蚤  
耕甿墮力午放長逸卧薄暮翁洗犂兒歌互相和

晚立有作

朝暉熏我肌不飲類酣適夕陰慘我顏所抱非隱戚晝  
夜無停機日月布常職浮生任變滅二者互出沒汝憂

何從生汝喜何自得陰晴况莫料暄暖難屢必顧雖甚  
蒙昧詎敢規造物衾裯欠宵具薪炭乏預積未免形語  
言寧知見顏色

書事

長年穫稻時人盡趨南畝束薪固圖售求益敢屢拒念  
昔居田園連林恣斤斧炊飲煮坡羹徒聞亂風雨

山谿急宵春野市赴朝糴人言非踴貴富者猶露積豐  
年且不飽惡歲真可戚懸釜以待炊衾裯寧許直

貧非事烹煎病止治藥物烏薪鬻之市束縛論寸尺煙  
浮多穉松質重非老櫟熾焰忽復然寒灰已成積

久旱始足雨畦圃新料理秋茄尚入饌晚菰能敗菌萬  
錢固無相三韭聊自詭抱甕豈忘勤移家嫌近市

兒童不知憂度日長戲劇忽傳山中訊欣喜沾柿栗為  
物雖甚微貴是家所植何當攜爾曹遶樹親尋摘

東街鼓坎坎西街鼓鑿鑿市酒倚法禁椎牛聚羣凶差  
事驚父老狂歌走兒童此俗苟不止斯民始終窮



早禾雖登場春籩纔足食晚禾尚棲隴登減未可必吏  
持與催符官趣違限責為政本憂民民憂政何德

兒啼宵不飽女訴夏無衣幾載宦遊倦素來生事微詩  
書湏自勉紉補莫多違我亦田園去終難粟肉希

北風卷湖水萬里雪欲狂乘勢不自止雲開日垂光風  
伯益振厲行子立欲殭青女探其機變作明日霜湖水  
凍成圻層冰傲朝陽松柏愁悴死寧云草蒼蒼哀哉羈  
栖人破褐無幾長塞向亦堙戶退憐無地藏緬思六月

中誓言望清商及今玄冬時懔懔反莫當流金與折膠  
事乃旦暮常安時輔爾躬毋為徒自傷

我行一何忙羽檄來星犇忙行抑何事列境備戍屯賊  
犯連英郴江右聲已宣往年縛李金此邦蓋晏然而今  
獨胡為騷驛窮朝昏政坐茶賊時曾窺此邦藩茶賊異  
此賊本皆商販民忽當法令變州縣復少恩求生既無  
路冒此圖或存此賊據巢穴其徒況是繁萌芽手可披  
不拔生惡根雖云巢穴深豈離率土濱彼猶螽蟻聚我

軍貌虎羣彼積鼠壤餘我粟多腐陳彼乃寇攘爾我蓋  
仁義云邊庭尚思犁此又何足言何當快除掃聽民樂  
耕耘我亦得拋官歸舟趁春渾胡為故使我駒局仍鷗  
蹲更慮一朝焚碣碣同璵璠

久不作詩詩思甚涸春物日盛漫興三章用常  
德棗心筆書本不工重復加弱似亦與詩相稱  
云

威嚴退冰霜清潤歸梅柳少時騁青春老至傷白首日

長卷添書病倦盃費酒姑置鴈鷺行顧慚牛馬走  
庭行看萌芽簷立聽呼應在物且云然於我可不競青  
衫戀五斗白髮間三徑是豈人之為絕知吾有命

春回溪山姿候趣農桑務自知盍歸來人歎推不去順  
心豈故違宿諾寧久負既已媿淵明又應慚季路

即事二首

問新新已無問米米已空假貸愧隣里犇走愁僕童乞  
食陶徵君乞米平原公昔人有如此吾今未為窮

廢圃失不治委積成荆杞何敢問嘉蔬亦無馬牙齒舊  
聞苦行僧破鐺煮糙米我今頗似之但未除髮耳

雜興四首

家居百金貨富可千金敵持行鬻於市曾微一錢直人  
或不汝知汝售無固急邂逅識真者百金還復得

蘭生深林中故與蕭艾同春風披拂之芳氣何冲融宜  
有同心人採擷佩厥躬採擷苟不至依然守荒叢

不見澗底松樹子元楚楚長大今幾年植立無風雨一

朝建明堂未免斤斧苦斤斧不為傷掄材固其所  
良農之於田曾匪一日力耕耘各以時志在秋有獲其  
間罹水旱亦是天地德汝不替厥功後當值豐殖

旅中雜興五首

炯炯氷玉姿落落山林相問渠坐何事斬伐傷神王更  
加束縛之求市朱門傍渠雖不解言我為成惆悵  
英英深林蘭發發不自閔誰遣入市門樵夫強解事渠  
雖賞芬芳我自羞嫵媚懷哉山中人綬結參珮璫

屢雪不一雪雲脚何時絕春風雖云來積凍吹又結未  
論芻薪價曳履凍欲裂苦欲作商音聲寒還復輟  
舊雪固已多新雪翻增劇立春已涉五太昊猶辟易長  
安有羈旅無以度朝夕所願見白日歸舟泛深碧  
少慕隱逸人開口談四皓及今聞其風尚愧劉德老詔  
恩雖與官辭避猶却掃不應吏部門皇皇踏泥潦

晚書二首

落月不可駐落日不可揮豈昧白晝長畏此餘暑威人

生延促頃光景變滅微水霧已似合山烟亦成霏  
抱道等金玉乃不知自珍終朝嚙啗間叩門復隨塵那  
知江湖叟生計竿與綸逢人問售否或至生怒嗔此理  
何謂然即我我即人

酬李益

君家三尺牕盡著溪上山怪君坐其中舉世招不還餘  
嬉到五言時許見一斑顧我僅曹鄴季孟胡可間比年  
爾何緣迺復罹間闕試問蓬蒿居孰愈轍迹環古來千



里足未必十二閑是故東方士長飢猶好顏

十三夜招全真沅陵

昨朝熱如焚今日涼如水豈惟悟天機政自知物理黃  
華一月賒桂子數夕事已辦烹伏雌相期泛浮蟻

中秋以山居不得與周文對飲况子暢在數百  
里外也悵然有懷

山林遠俗人風月親我輩涼秋半今夕痼疾况少退詩  
懷客子哦酒欠伯仁對百年等夢幻一笑有成敗禿巾

倚枯松赤脚踏斷瀨何當約二叟勝踐同一會

秋日獨飲二首

秋風何時來庭樹非昨好樹猶不自持況問青青草人生甚草木閱世安可保賴此忘憂物陶公蓋知道

素懷樂清曠長言待秋風及茲搖落初感歎如有攻長卿既倦遊嗣宗復途窮苟無杯中物何以娛我躬

李聲父唐德興程士和梁和仲過飲

相期本林園相厄乃霰雪不難履齒去所怕巾角折香

燒古銅鼎囊貯今墨帖欲醉竟不能忽忽謝車轍

病中寄呈王信州老謝丈

韓詩不可犯顏字不可瀆舊言驅瘡癘其效甚符錄追  
慕記初學諷誦懷三復如何且逾月此物猶肆毒得非  
緣法異無迺災釁酷推移自前後進退亦淹速豈惟搜  
脂髓直覺憎面目醫方戒山果牙頰怕饑肉味嫌東野  
薺餒厭平原粥莫知所生理真恐遂鬼錄屬時秋已季  
更值雨相續卧聞掃空階起步驚墮木蛩號故亡賴蚊

豹成暗逐未資卒歲計頗病嚴霜促幸遭賢使君立政  
匪今俗教微下黃堂惠已周白屋論情素有托謁見慚  
未卜詎應四壁立久作窮途哭謝公方在郡薦士宜首  
牘疇能借齒牙價可重金玉自憐非道謀觸事先顏慙  
病倦不成書書成况難讀

初三日晚題

浮雲晚陸離巨浪朝澎湃櫓搖雖甚亟岸遠不可屈巴  
丘兩日中湖路千里外月上照遙山修眉雨新畫

是夕微雨

臘雪財覆地春雨不溜瓦天公務塞責人意自嫌寡豈  
惟田未耕況是麥在野安得三日霖滂沱遍天下

連日雨作頓有秋意懷感之餘得詩七首書呈  
教授知縣

小雨洗清晝幽花耀寒廳雲間返微照風薄成細零蟬  
悽如欲收蟲咽無聲停渠將趣寒事我自感頽齡

頽齡不可羈寒事亦已迫女褐破未紉兒襦短仍窄杜

陵歎女癡淵明更兒責返念田家翁困禾與機帛

牆根數席地聊爾遣耘治年豐菜亦熟採掇斯及時拔  
葵媿公儀學圃非樊遲幸逃肉食鄙用補囊粟飢

淵明抱羸疾猶復歸田園安能為五斗折腰若拳拳簞  
瓢非可樂不改迺稱賢夫子故不死仰鑽高且堅

我官雖云薄廩粟猶有繼懷哉江東弟餬口當何計風  
悲隕高梧雨歎凋碧蕙富合與貧離怛然撫身世

聞兒誦書聲兩耳輒為明青紫云乎哉老我愧此生家

聲寒如水奔走霜鬢盈束書故好在淹泊諒無成  
沈侯賦郊居歐公賦鳴蟬誰謂遠莫繼有孫筆翩翩我  
獨歌骭髀世憎還自憐秋風鳴不已如欲相和然

趣章永豐祈雨

高田卷蒼埃下田積荒穰頻聞父老嘆似訴車庠苦吾  
鄉地猶薄有類家素窶早繇十日晴潦自三尺雨吏斯  
靡常禱神得誇屢許近雖畧豐稔曾不厚倉庾桑麻籍  
銖兩門戶強撐拄往時屬初夏挿秧未終畝甘膏偶愆

候人意已深阻沛然天為賜翁爾農遂舉沉憂釋阨危  
樂事覲安堵迨令幾何日所厯無廢土豈惟勞手足殆  
欲病腰臂早禾穗且寔晚稻花半吐更寬經旬虞當作  
有歲取奈何又缺望嗟爾復奚補雲師匪云急風伯敢  
固拒烹鵞竟何術象龍恐非古精誠苟潛運響應猶或  
俯誰能任此責再拜謝明府

初六日雨而甚微

旱勢若燎火雨粒如投珠望望恐不及嗷嗷欲成呼叩



龍探古湫號佛喧通衢山川禱斯必社稷報不渝古人  
之所是今人之所迂龍神與社鬼其事亦區區

雨二首

旱極乃得雨淒然天已秋譬如病且革藥劑方一投不  
猶愈於無庶幾千一瘳未聞失東隅果有桑榆收

得雨天忽秋起我淒其悲淒其亦何悲歲晏霜雪期壯  
志久已謝白髮來及時締綌與裘褐棄置復營為

閔雨

青山本無垢坐受瘴霧侵馬倦不加鞭暑氣令人昏去  
年蝗為災千家百不存流亡不自保聚掠連諸村閔閔  
望一雨可招若敖魂旱勢復如此早禾空如雲豐登數  
有常赤子皆天民惜此三尺雨龍師恐不仁襁褓古有  
法至和格神人不見東海郡孝婦冤欲伸

閏月二日雨三日復雨寄斯遠三首

大雨固霽霽小雨更霖霖蕭然涼已生隱若雷未伏前  
時歷月陰通日連朝暴早田有愁乾菜本亦恐縮居閑

苦無事憂國願時熟老翠上松篁餘滋到蘭菊

夏雨多驟止晚灑苦易乾陰乎不能釋膏爾殊未闌疎  
疎政簷溜浩浩忽木端沈疴頓如失甘寢不自安遲明  
復大集平地如湧湍戲作擁鼻調以歌田父歡

無人南澗遊老我北窓卧雨為洗炎蒸身成起頽情幽  
花曜叢叢新竹排箇箇是有餘詩獨唱誰其和懷君  
固非遠念我當數過蟬噪晚聲清螢飛新月破

閏七月五日雨中記所見

雨來山為昏雨罷山如洗秋風歛已高長空澹如水其  
誰知此樂勝處屬幽子登臨無所詣溪樓成徙倚沙鷗  
意氣逸衝烟棲復起是身困羈束訟戲直愧爾平生耽  
佳句此癖殆至死得酒忽詩成頽然自醒醉

連雨獨飲偶書四首

緣山灌木長遶舍芳草積敢希陶淵明自謂張仲蔚出  
門無所詣閉戶聊自得簡編或倦覩壺觴恣酣適

自昔嗜酒徒往往皆能詩詩亦何與酒胡為必相資我

詩既不工我酒還復漓頽然亦復醉信筆輒書之  
人無送酒錢官無種秫田鄰家賴可賒醉過春風顛春  
風急雨顛梅黃更連連不念陋巷士其貧類顏淵  
伯論無他文一頌自不朽淵明飲酒詩乃至二十首未  
易多寡論俱能金石壽我之二子辭徒然老耽酒

寒雨感懷呈斯遠三首

窮冬固多悲凍雨仍併作真成晝連夜直欲寐無覺其  
陰似春仲其令豈天錯林棲未歸休蕭寺猶旅泊孰寬

留滯懷政賴朋友樂梅華開且半芒屨曾未著溪亭縱  
微吟破屋成細酌悠然起遐心彼哉羞好爵淵明念田  
園幼輿志丘壑坐釣有羊裘我冠自麟閣

少讀隱逸傳雅意煙霞人居官早自縛半世幾沒身青  
衫類枯葉兩鬢如爛銀人知趨走苦已重疾病湮歸微  
三徑資尚竊太倉陳鄰里有伏臘弟兄無越秦況此交  
友高而能朝夕親君還志遠遊所願猶逡巡我乃歎寡  
與未易論苦辛勿道車馬乏勿嫌風雨頻

平生幾交游念往常恍惚始從五州數卻自他邦述徐  
州殞川魚葉縣飛鳧吳興罷童迎漢殿空履跡鯨魚  
渺洪波長城墮立壁元龍漫豪氣子雲終執戟詩壇絕韓  
呂詩友無道釋文章固能傳事業竟何得是皆我深知  
半亦君舊識更將寫其心悲甚不能筆

謂賈季承周畏  
知賈元放施文

叔趙文昂韓南澗趙介庵劉遠齋陳擇之陳明叔  
楊壽岡楊無逸曾瓶齋嚴黎二師他蓋不能一一

### 是夕雨大作復呈潘提舉

雲行方陸離月出重蔽虧旋聽隱其響已見沛然馳信

有誰能禦那云鼓再衰天瓢快傾瀉旱魃勇鞭笞臥想  
歌謠疾頓寬車戽疲中宵猶颯沓既曉尚紛披五日能  
如一有年端可期旱頭今已破雨脚不難垂使者豈為  
德天心茲可知在予非赫赫於汝要熙熙始急救荒法  
終傳喜雨詩但須觀氣象不必問著龜米賤行當復物  
生斯得宜寧容倦游者侘傺獨天涯

招明叔

平原拙生事數月且食粥蠟也巧於貧晚食以當肉士



窮見節義不以富貴卜用志苟如此寧有憂不足我生  
本寒士犁鉏起窮谷顧惟踈野姿動輒當忤俗得祿本  
甚微奪去蓋聊復雖云出無車定免亦其族在我無所  
念於君果何辱而君終日間惻惻形面目幻穉悉遣歸  
不慮瓶無粟大兒頗類吾藜羹甘半菽庭前既除草牕  
外亦栽菊屬君早來過束書期共讀

再用前韻

田家雖賤勞豐歲飽餐粥儒士筆以耕相形無食肉我

生文字盟向日交友卜自從此邦來得君一夔足作詩  
非野格悟坡更參谷字法皆有師翩翩信起俗誰云前  
輩遠解使神觀復驚乃鳳之徒蕙乃蘭之族惟我甚亡  
賴於何能見辱又何與於人嗔君刺在目寒窗夜沉沉  
燈燼落金粟粥薪價益高窘狀稽然寂相看一何有有  
子所送菊何以得今夕把君詩過讀

十四日二首

梅開在高岡仰望不可攀微風一動搖落片紛爛斑下

者隱幽閤叢然榛棘間著根近溪流墮地即水灣是物  
佳莫匹在處堪解顏扶藜曳芒屨永日不得還

窮冬無苦寒寬我欠裘褐裘褐苟不脩道有猶締葛童  
奴忽告言薪盡米復竭市糴不可賒囊錢顧安得詩成  
詎堪煮梅望當止渴一笑謝兒曹爾飢由我拙

十二月七日病題四首

曉枕聞屐聲方知夜來雨遙憐江南梅玉立勝越女林  
深笑成暗溪淺照亦俯想象不勝情吾寧久羈旅

前朝困壺觴昨日強撐拄今晨不能支謁告報公府噤  
痺苦春寒廉纖真雪雨病狀雖摧頽猶思鷗鷺舉

一代數百年作者不數人桃李非不芳梅花獨清真是  
故吾黨士愛之踰等倫詩成欲何屬目斷楚江濱

酒亦不難止無以寄吾興縱然酒可止詩恐不受命二  
者必相須未易相負勝所以千載人不能除此病

淳熙稿卷二